

# «ԿՐԱԿՈՑՆԵՐ ԿԵՆՊԱՆԻ ԹԻՐԱԽՆԵՐԻ ԿՐԱՅ»

Այս խորագրի ներքոյ Մայիսի 7ին «Կոմսոմոլսկայա պրաւդա» թերթը տպագրել է իր թղթակից Ս. Կուզմինի յօդուածը: Նա նշում է, որ արդէն մէկ շաբաթ է, ինչ շաբունակում է «Օղակ» գործողութիւնը: Հրասայլերը, դեսանտի ռազմական մեքենաները, ուղղաթիռները շրջապատել են հայկական երկու գիւղ. Մարտունաշէն գիւղն արդէն գոյութիւն չունի, Գետաշէնն այժմ վերածուել է արեան գետի: Գործողութեան նպատակը, ինչպէս պնդում է Ադրբեջանի ՆԳ Նախարարութիւնը, գիւղերում ծպտուած գրոհայիններին յայտնաբերելն է:

Հրասայլերից ու զինուորներից յետոյ գիւղ են մտնում ՕՄՕՆականները՝ ատոմատներով զինուած: Սպանուած է 17 մարդ, կան տասնեակ վիրաւորներ: Գործողութեան վիրաւորները պնդում են, որ առգրաւուած է մեծ քանակութեամբ զէնք, գերուած են գրոհայիններ:

Սակայն ո՞վ կարող է գրոհային համարել 82ամեայ անդամալոյծ ծերունուն, որին զնդակահարել են անկողնում, - իր տարակուսանքն է յայտնում թղթակիցը:

Ապա նա նկարագրում է գետաշէնցիներից մէկի այն գործողութիւնը, որի հետեւանքով 14 զինուորի պատանդ են վերցուել, եւ զնդապետ Մաշկովը ստիպուած է եղել նահանջի հրաման տալ: Ներկայացուած է նաեւ պատանդների փոխանակութիւնը, զոհուածներին ու վիրաւորներին գրահամեքենաներով Շահումեան տեղափոխելը: